

RESOLUCIÓN REITORAL DE 04 DE NOVIEMBRE DE 2022 POLA QUE SE PUBLICA A SEGUNDA CONVOCATORIA DE NOVAS PRAZAS DE PROFESORADO AXUDANTE DOUTOR PARA O CURSO 2022/23

O Consello de Goberno na súa sesión de 24 de marzo de 2020, acordou aprobar as Normas para a contratación de profesorado Axudante Doutor (modificadas no Consello de Goberno de 12 de marzo de 2021), onde se fixan os criterios e o procedemento para a convocatoria de novas prazas de profesorado Axudante Doutor con carácter previo á elaboración do POD para cada curso académico.

En base a estes criterios e procedemento, a Vicerreitoría de Ordenación Académica e Profesorado establecerá un prazo para que os departamentos poidan solicitar novas prazas de profesorado Axudante Doutor naquelas das súas Unidades Docentes nas que se cumpran os requisitos fixados nas anteditas Normas, nas que tamén se fixan os criterios a utilizar se o número de prazas solicitadas supera o número de prazas máximo a convocar.

Así mesmo ditas Normas establecen que os Departamentos poderán configurar de maneira estable Unidades Docentes máis amplas, mediante a unión de varias das súas Unidades Docentes.

En cumprimento destas Normas, a vicerreitoría de Ordenación Académica e Profesorado publicou na páxina web da Uvigo a carga docente básica e a capacidade docente básica de cada unha das Unidades Docentes, calculadas a 31 de decembro de 2021, como parte da información do Cadro Teórico de Persoal.

Na RR de 18 de abril de 2022 aprobáronse a contratación de 30 prazas de profesorado Axudante Doutor a convocar no curso 2022/23, segundo as previsións orzamentarias da Universidade de Vigo e publicouse a carga docente e a capacidade docente básica de cada Unidade Docente da Universidade de Vigo, a 31 de decembro de 2021, calculadas seguindo os criterios fixados polas Normas para a contratación de profesorado Axudante Doutor.

No acordo da COAP de 2 de xuño de 2022, aprobáronse a unión de unidades docentes, a listaxe definitiva de unidades docentes admitidas e excluídas para a solicitude das prazas de profesorado Axudante Doutor e a convocatoria de 20 prazas de profesorado Axudante Doutor e 2 prazas de promoción de profesorado Asociado acreditado a profesorado Axudante Doutor.

Por todo isto, esta REITORÍA RESOLVE,

- 1) Aprobar a contratación de **8 prazas** de profesorado Axudante Doutor a convocar no curso 2022/23, segundo as previsións orzamentarias da Universidade de Vigo.
- 2) Establecer un prazo ata o **xoves, día 17 de novembro de 2022** para que os departamentos que o estimen oportuno soliciten a unión estable de varias das súas unidades docentes nunha soa, mediante o impreso que se achega como anexo II.

Estas unións entre varias Unidades Docentes terán carácter permanente no tempo, non podendo solicitar, unha vez aprobadas, a desunión entre elas para futuros POD.



- 3) Abrir un prazo ata o **xoves, día 17 de novembro de 2022** para que aqueles departamentos que teñan Unidades Docentes que cumpran os requisitos establecidos na normativa (segundo o anexo I da RR de 18 de abril de 2022 e a resolución do primeiro concurso, ou ben pola unión de Unidades Docentes solicitada consonte ao establecido no punto anterior), soliciten a saída a concurso de novas prazas de profesorado Axudante Doutor para o curso 22/23, mediante o impreso de conformidade que se achega como anexo III.

As Unidades Docentes (ou ben as resultantes das solicitudes de unión de Unidades Docentes que se reciban no prazo establecido) serán as que establezan a capacidade docente básica á hora da elaboración do POD, das substitucións por posibles baixas e para o cómputo de novas prazas de profesorado.

A solicitude de unión de Unidades Docentes e de saída a concurso de novas prazas de profesorado Axudante Doutor para o segundo concurso de profesorado contratado no curso 2022/23, presentarse a través da sede electrónica da Universidade de Vigo no seguinte enderezo: <https://sede.uvigo.gal/> mediante unha instancia xenérica SXER, e co asunto "*Convocatoria prazas AXD 2º concurso curso 22/23*", sen prexuízo de que tamén poida presentarse nos lugares indicados no artigo 16.4 da Lei 39/2015, do 1 de outubro de procedemento administrativo común das administracións públicas, e deberán acompañarse dos formularios correspondentes (anexo II e/ou anexo III), entendéndose, de non recibir a documentación oportuna en dito prazo, que o Departamento renuncia a realizar unións permanentes de Unidades Docentes e a solicitar prazas de profesorado Axudante Doutor para o segundo concurso de profesorado contratado no curso 2022/23.

Contra esta resolución, que esgota a vía administrativa, poderase interpoñer recurso perante a xurisdición contencioso administrativa, no prazo de dous meses contados dende o día seguinte á súa publicación (ou dende o día seguinte ao recibimento da súa notificación), de conformidade co disposto na Lei 29/1998, do 13 de xullo, reguladora da xurisdición contencioso administrativa.

As persoas interesadas poderán optar por interpoñer contra esta resolución recurso de reposición, no prazo dun mes contados a partir do día seguinte á publicación da presente resolución (ou dende o día seguinte ao recibo desta notificación), perante o mesmo órgano que a ditou. Neste caso non se poderá interpoñer un recurso contencioso-administrativo ata que sexa resolto expresamente ou se producira a desestimación presunta do recurso de reposición interposto, segundo o previsto no artigo 123.2 da lei 39/2015, de 1 de outubro, do Procedemento Administrativo Común das Administracións Públicas.

Asinado dixitalmente en Vigo,
O REITOR
Por delegación (R.R. 22/06/2022)
O vicerreitor de Profesorado, Docencia e titulacións

Alfonso Lago Ferreiro

